

Datum i mjesto: Sarajevo, 25.10.2023. g.

Broj: ONAuBiH-25/10/23-02

PREDMET: *JAVNI POZIV ZA GLAVNOG/U ISTRAŽIVAČA/ICU*

*OMLADINSKA NOVINSKA ASOCIJACIJA U BOSNI I HERCEGOVINI (ONAuBiH) OBJAVLJUJE POZIV ZA DOSTAVLJANJE PRIJAVA U SVRHU PROVOĐENJA ISTRAŽIVANJA:*

*„Mladi u fokusu: Medijska izvještavanja o omladinskim politikama u BiH“*

Trajanje angažmana: 15.12.2023 – 15.3.2024

**Uvod:**

Omladinska novinska asocijacija u Bosni i Hercegovini (ONAuBiH) poziva sve zainteresirane i stručne pojedince da se prijave za poziciju **Glavnog/e istraživača/ice** u okviru projekta *„Putokaz za mlade, karike za promjene“*, koji se sprovodi uz podršku Instituta za razvoj mladih KULT. Projekt ima za cilj utvrditi trenutno stanje i nedostatke u izvještavanju bh. lokalnih i drugih *mainstream* medija o temama vezanim za omladinske politike te pružiti dubinsku analizu načina na koji se omladinske politike reflektiraju u medijskom izvještavanju u Bosni i Hercegovini.

**Pozadina:**

Danas na teritoriji Bosne i Hercegovine imamo tri zakona koja se tiču prava i obaveza mladih:

- Zakon o mladima Federacije Bosne i Hercegovine (Službene novine Federacije BiH, 36/10),
- Zakon o omladinskom organizovanju Republike Srpske (Službeni glasnik RS, 98/04, 119/08, 1/12), te
- Zakon o mladima Brčko distrikta Bosne i Hercegovine (Službeni glasnik Brčko distrikta BiH, 18/17)<sup>1</sup>.

Kroz navedene zakone o mladima tretira se pojam „omladinska politika“. Omladinska politika se može doživljavati i kao obuhvat svih domena praktične politike koji se tiču mladih osoba, npr. socijalna zaštita, zdravlje, stanovanje, zaposlenje/preduzetništvo, formalno obrazovanje i tako dalje, kao i sagledavanje transverzalnih pitanja kao što su socijalna inkluzija, aktivno učešće mladih, rodna ravnopravnost, itd<sup>2</sup>. Omladinske politike igraju ključnu ulogu u oblikovanju budućnosti mladih, a medijsko izvještavanje ima značajan utjecaj na percepciju i razumijevanje tih politika. Projekt *„Putokaz za mlade, karike za promjene“*

---

<sup>1</sup> Vodič kroz Zakone i prava mladih u Bosni i Hercegovini, Vijeće mladih Federacije BiH, 2020.

<sup>2</sup> OSNOVE OMLADINSKE POLITIKE, Savjet Evrope i Evropska komisija, 2021.

se bavi proučavanjem načina na koji bh. mediji pokrivaju omladinske politike, identificiraju ključne teme i trendove te analiziraju novinarski pristup tim pitanjima.

#### Zadaci:

- Razvijanje metodologije za istraživanje, uključujući kriterije za analizu medijskog sadržaja;
- Praćenje i analiza medijskog sadržaja u odabranim lokalnim i drugim bh. *mainstream* medijima u skladu s postavljenom metodologijom;
- Identificiranje ključnih tema vezanih uz omladinske politike i njihovu prisutnost u medijima;
- Analiza kvaliteta novinarskog pristupa izvještavanju o omladinskim politikama;
- Priprema detaljnog izvještaja s rezultatima istraživanja, uključujući zaključke i preporuke;
- Saradnja s terenskim istraživačima/icama u razvoju cjelokupne analize i izvještaja;
- Javno predstavljanje analize uz podršku ONAuBiH tima.

#### Potrebni uslovi i vještine:

- Iskustvo u medijskim istraživanjima i analizi;
- Poznavanje medijskog okvira u Bosni i Hercegovini;
- Poznavanje omladinskih politika i njihovog značaja (poželjno);
- Odgovornost, preciznost i sposobnost samostalnog rada te rada u timu;
- Državljanstvo Bosne i Hercegovine.

#### Rokovi:

- od 15.12.2023 do 15.3.2024. izraditi metodologiju te provesti istraživanje u saradnji sa istraživačkim timom
- do 31.3.2024. dostaviti finalni dokument analize
- Planirana prezentacija Analize bi se održala početkom maja 2024. godine

#### Prijave:

Molimo vas da svoju prijavu sa biografijom (CV-iem), motivacionim pismom i finansijskom ponudom dostavite najkasnije **do 24.11.2023. g.** putem e-maila na adresu [aplikacije@onaubih.ba](mailto:aplikacije@onaubih.ba), uz naznaku „Prijava za glavnog/u istraživača/icu“. Kandidati/kinje će najkasnije do 14.12.2023. g. dobiti povratne informacije o statusu aplikacije. Za dodatna pitanja ili nedoumice, stojimo vam na raspolaganju putem navedenog e-maila, a postavljanje pitanja je moguće najkasnije **do 17.11.2023. g.**, uz naznaku „Upit“.

**NAPOMENA:** Imenice koje se odnose na osobe bez obzira na njihov gramatički rod podrazumijevaju oba prirodna roda, odnosno spola.